

**«Հայաստանի Հանրապետության կառավարության
2016 թվականի դեկտեմբերի 29-ի N 1313-Ն
որոշման մեջ լրացումներ կատարելու և
Հայաստանի Հանրապետության
գյուղատնտեսության նախարարությանը գումար
հատկացնելու մասին» Հայաստանի
Հանրապետության կառավարության որոշման
նախագիծ /ԱԱՀ-ի պարտք**

ՆԱԽԱԳԻԾ

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ
ՈՐՈՇՈՒՄ**

«__» _____ 2017 թվական N __-Ն

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2016 ԹՎԱԿԱՆԻ
ԴԵԿՏԵՄԲԵՐԻ 29-Ի N 1313-Ն ՈՐՈՇՄԱՆ ՄԵՋ ԼՐԱՑՈՒՄՆԵՐ ԿԱՏԱՐԵԼՈՒ ԵՎ
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՅՈՒՂԱՏՆՏԵՍՈՒԹՅԱՆ
ՆԱԽԱՐԱՐՈՒԹՅԱՆԸ ԳՈՒՄԱՐ ՀԱՏԿԱՑՆԵԼՈՒ ՄԱՍԻՆ**

«Հայաստանի Հանրապետության բյուջետային համակարգի մասին»
Հայաստանի Հանրապետության օրենքի 19-րդ հոդվածի 3-րդ մասին
համապատասխան՝ Հայաստանի Հանրապետության կառավարությունը
որոշում է.

1. Հայաստանի Հանրապետության կառավարության 2016 թվականի
դեկտեմբերի 29-ի «Հայաստանի Հանրապետության 2017 թվականի
պետական բյուջեի կատարումն ապահովող միջոցառումների մասին» N
1313-Ն որոշման N 11 հավելվածի N 11.14 և N 12 աղյուսակներում
կատարել լրացումներ՝ համաձայն հավելվածի:
2. Հայաստանի Հանրապետության գյուղատնտեսության
նախարարությանը Հայաստանի Հանրապետության 2017 թվականի
պետական բյուջեով նախատեսված Հայաստանի Հանրապետության
կառավարության պահուստային ֆոնդի հաշվին ինն ամսում
հատկացնել 347,213.3 հազ. դրամ (բյուջետային ծախսերի
տնտեսագիտական դասակարգման «Ընթացիկ դրամաշնորհներ
պետական և համայնքային ոչ առևտրային կազմակերպություններին»
հոդվածով)՝ «Անասնաբուժասանիտարիայի և բուսասանիտարիայի

ծառայությունների կենտրոն» պետական ոչ առևտրային կազմակերպության ավելացված արժեքի հարկի գծով առաջացած պարտավորությունների մարմանն աջակցելու նպատակով:

3. Հայաստանի Հանրապետության գյուղատնտեսության նախարարին՝ սույն որոշման 2-րդ կետով նախատեսված գումարը նվիրաբերության պայմանագրի հիման վրա տրամադրել «Անասնաբուժասանիտարիայի և բուսասանիտարիայի ծառայությունների կենտրոն» պետական ոչ առևտրային կազմակերպությանը:
4. Սույն որոշումն ուժի մեջ է մտնում պաշտոնական հրապարակմանը հաջորդող օրվանից: